

CENTAR ZA EDUKACIJU I ISTRAŽIVANJE "NAHLA" SARAJEVO  
CENTAR ZA EDUKACIJU I ISTRAŽIVANJE "NAHLA", PODRUŽNICA BIHAĆ  
EDUKACIJSKI CENTAR "NAHLA" TUZLA

# GODIŠNJI IZVJEŠTAJ 2020/2021



*Koristeći transformirajuću snagu znanja pokrećemo promjene  
i gradimo bolju budućnost za ženu u Bosni i Hercegovini*

## Vizija Nahle

Obrazovana i osnažena žena koja mijenja svijet.

## Misija Nahle

Oснаživanje žene obrazovanjem i kreiranjem poticajnog okruženja za lični razvoj i kompetentno učešće u društvenim procesima.

## Naši ciljevi

1. Educirati ženu u oblastima koje su joj potrebne za kvalitetniji lični i društveni život, duhovni razvoj i ekonomsko osnaživanje.
2. Ohrabriti ženu da izgrađuje svoju ličnost i upozna se sa svojim pravima u cilju poboljšanja njenog društvenog statusa i mogućnosti u društvu.
3. Podizati svijest o ulozi religije u građanskom društvu i značaju uspostavljanja dijaloga između građana i građanki, različitih nevladinih organizacija, vjerskih zajednica i institucija vlasti.
4. Istraživati, teorijski i empirijski, pitanja od značaja za ženu, njena prava, društveni angažman, religiju i identitet u savremenom građanskom društvu.

## Uvodna riječ

**R**adna godina iza nas koja je počela u septembru 2020. bila je jedna od najizazovnijih u brojnim aspektima i, zasigurno, doprinijela da rastemo i razvijamo se u organizaciju koja zna i najveće izazove pretvoriti u šanse i na njih gledati kao povode da popravimo slabosti koje izazovi, često, učine jasnijim i prepoznatljivijim.

Veliki problemi sa zakonodavnim okvirom koji nije izdefinirao jasnu poresku politiku države prema NVO i jednostrano i neodgovorno tumačenje zakona predstavnika javne uprave doveli su u pitanje opstanak mnogih organizacija i čitav koncept filantropije u BiH, ugrozili naš rad, status i principe na kojima djelujemo i saradujemo s donatorima. I mi kao organizacija, ali i veliki dio NVO sektora u BiH ovu bitku smo dobili zajedno, barem u ovoj fazi, i nastavili nesmetano raditi u jednom novom kapacitetu. Iz cijelog procesa izrodila su se nova partnerstva. Nahle s drugim organizacijama, njena vodeća uloga u pokretanju procesa lobiranja za reviziju zakona o poreskim politikama u BiH, a sve to je pokrenulo i reviziju naše, interne kontrole struktura i procesa u organizaciji te poboljšanje nekih sistema, pravilnika i procedura.

Bila je ovo i godina godišnjice, godina proslave i ponosa na ostvarene rezultate u ovih 20 godina, godina u kojoj smo čestitali sebi i dozvolili da nam drugi čestitaju ustrajnost i trud da pokažemo kako stalno učenje, najsigurnije i najbrže, donosi prosperitet pojedincu i zajednici. U svjetlu pandemije aktivnosti su se, velikim dijelom, dešavale u virtuelnom svijetu i omogućile nam da, koristeći sve njene prednosti i tehnologije, dopremo do desetina hiljada osoba što bi, u svakom drugom slučaju, bilo teško zamislivo.

Izazov neizvjesnosti, stalne promjene instrukcija o ograničenjima fizičkog boravka u prostorima te različite politike u svakom od kantona gdje imamo centre, nametnuli su jedan novi i brži tempo prilagodbe tim uslovima. Prelazak na online učenje, kombiniranje online i onsite nastave zahtijevalo je ogroman trud i posvećen rad naših timova, inovativan duh naših uposlenica i saradnica i ja im i ovim putem, svakoj ponaosob, izražavam neizmjernu zahvalnost i divljenje.

U zadnjem kvartalu ove radne godine pristupili smo definiranju i izradi Strateškog plana 2021-2026. u koji smo uključili kao sagovornike/ce naše korisnice, mlade, uposlenice, članice Uprave i Skupštine, predstavnike institucija države, ostatka NVO sektora, ali i neke od dostupnih partnera i donatora. Svi mi zajedno opredijelili smo se da u narednom petogodišnjem periodu pokušamo raditi još predanije na misiji da znanje učinimo dostupnim koristeći sve prednosti digitalizacije, da budemo korektiv za neke društvene pojave i da se o tome puno češće u javnosti očitujemo, da snažnije uključimo u svoje programe stalnu promociju zdravlja, zdravih stilova življenja, životnih vještina, vrijednosti porodičnog života te da nastavimo s brendiranjem nekih naših programa kako bi njihova poruka bila jasnija i dugoročnija.

Izazovi koje je donijela pandemija se nastavljaju, a mi nastavljamo tražiti načina kako da to bude prilika više da omogućimo što većem broju žena da vjeruju i uživaju u procesima cjeloživotnog učenja, da osjete njegove blagodati i promjene koje donosi u njihove živote, ma gdje živjele i čime se bavile.

Sehija Dedović,  
predsjednica



## Nahla u 2020/2021.

### UKUPAN BROJ KORISNIKA/CA U TRI GRADA U 2020/21.

**12606**

SARAJEVO: 6724

BIHAĆ: 3198

TUZLA: 2684

**EDUKACIJA**

**5204**

**PODRŠKA  
OSNAŽIVANJE  
UMREŽAVANJE**

**2054**

**USLUGE**

**5278**

## Edukacija

Još jednom se pokazala istinitom tvrdnja da obrazovanje i otvorenost prema učenju novih vještina otvaraju vrata čak i u vrijeme pandemije. Zahvaljujući izuzetnoj posvećenosti ideji cjeloživotnog učenja i digitalnoj transformaciji uspješno smo prevazišli velike izazove koje je pandemija stavila pred edukacijske centre i realizatore programa obrazovanja odraslih. Iskoristili smo šanse koje je donio nagli porast zahtjeva za online nastavnim aktivnostima, pa smo značajno povećali obim online nastave.

Smanjenje broja zainteresiranih polaznica u nekim oblastima kompenzirano je iskoracima i diverzifikacijom ponude u drugim, tako da je broj osoba koje su prošle kroz Nahline edukacijske programe značajno povećan u odnosu na prethodnu godinu, ali i godine prije pandemije. Nastavljena je praksa ponude besplatnih mjesta na svim edukacijskim kursevima za ranjive kategorije žena, kao i osiguravanje besplatnog pohađanja edukacija kroz saradnje i partnerstva.



## ISKORACI U OBLASTI EDUKACIJE

Nahlin centar u Bihaću akreditovan pri Ministarstvu obrazovanja kao Centar za obrazovanje odraslih i započeo akreditaciju obuka kao javno važećih.

Nastava u svim centrima prilagođena uvjetima pandemije (opcije online pohađanja, kombinovana nastava).

Značajan porast broja online programa - **46 programa realizirano u online formi**, u odnosu na 14 u prošloj godini.

Napravljen iskorak ka polaznicama koje žive izvan BiH, zabilježen **značajan porast upisanih iz dijaspore** na online programima.





## Nove perspektive za žene u IT radnim okruženjima

Uvidjevši koliko snažan utjecaj u vrijeme pandemije nose cjeloviti edukativno-mentorski programi za zapošljavanje nastavili smo nuditi prethodno razvijene obuke iz ove oblasti koje je uspješno završila 121 polaznica te u Sarajevu razvili i akreditirali kao javno važeće dvije nove obuke za zapošljavanje u IT okruženjima - Obuku za asistenticu u računovodstvu i Obuku za automatsko i manuelno QA testiranje, povećavajući šanse za prepoznatljivost i uspješno pozicioniranje na tržištu rada onih žena koje ove obuke uspješno završe.

U Bihaću smo pri Ministarstvu obrazovanja akreditirali i realizirali Obuku za upravljanje društvenim mrežama i online sadržajem, a u Tuzli prvi put razvili i realizirali Obuku za web programiranje. Ove godine je prvi put realizovana i obuka za dizajn web i mobilnih aplikacija (UI/UX dizajn) po akreditovanom nastavnom planu i programu. Iskustva iz ovog procesa potvrdila su da smo kreirali napredni nastavni program koji je potreban na našem tržištu i vodi ka stjecanju naprednih znanja i vještina čak i za polaznice koje dugo rade u oblasti grafičkog dizajna. Završni radovi i izrađene aplikacije polaznica svjedoče da je riječ o potencijalnim biznis idejama koje nude perspektivu za dalji razvoj i povezivanje s potencijalnim investitorima.



NAZIV AKTIVNOSTI	BROJ KORISNICA/KA	TRAJANJE
OBUKA DATA SCIENCE	12	132 časa
OBUKA ZA QA TESTIRANJE – MANUELNO	14	100 časova
OBUKA ZA GRAFIČKO DIZAJNIRANJE	14	120 časova
OBUKA ZA USER INTERFACE/USER EXPERIENCE DIZAJN	12	120 časova
OBUKA IZ WEB PROGRAMIRANJA	15	120 časova
OBUKA ZA UPRAVLJANJE DRUŠTVENIM MREŽAMA I ONLINE SADRŽAJEM	15	140 časova
OBUKA ZA RAD U ADMINISTRACIJI	24	128 časova
OBUKA ZA ASISTENTICU U RAČUNOVODSTVU	15	120 časova
KURS OSNOVE RADA NA RAČUNARU	45	16 časova X 5 grupa
BRZI KURS EXCELA	44	20 časova
NAPREDNI KURS EXCELA	9	20 časova
KURS OSNOVE WEB DIZAJNA	8	20 časova
KURS JAVA SCRIPT	11	24 časa
KURS ADOBE ILUSTRATORA	4	20 časova
IT CERTIFICIRANJE	209	209 h

Izuzetne rezultate pokazala je i obuka Data Science koja je također realizovana po akreditovanom programu. Dobar dio polaznica ove obuke uspio se zaposliti u bankarskom, IT, zdravstvenom te sektoru nabave i prodaje, što nam je potvrdilo da je obuka izgradila kvalitetne polaznice koje su stekle zavidan nivo znanja, vještina i kompetencija za bavljenje ovim naprednim alatima. Pored zapošljivosti i sve većeg otvaranja tržišta rada u ovim zanimanjima, dodatna vrijednost koju daju ove obuke je povećanje broja žena u IT sektoru, čime doprinosimo razbijanju staklenog stropa za žene u STEM-u.



## Znanje vam niko ne može oduzeti!

Danira Mustafović, 26-godišnja djevojka iz Sarajeva za prekvalifikaciju i potpuno novo zanimanje odlučila se nakon kraćeg radnog iskustva u administraciji i nemoćnosti da pronađe posao sa završenom srednjom školom. Priliku za usavršavanje dobila je u Nahli, kroz besplatnu šestomjesečnu Data Science obuku.

Budući da je u okviru pohađanja obuke bilo osigurano karijerno savjetovanje, uz rad na CV-ju i simulaciji razgovora za posao dobila je i priliku/preporuku za intervju u NLB banci. Intervju je imao pozitivan ishod i Danira trenutno radi u NLB banci na poziciji Referenta za obrade u sektoru za informacione tehnologije. Svaki dan stiče nova znanja, jer posao vezan za IT upravo to i zahtijeva – konstantan pokret i usavršavanje. Prolazak kroz ovaj proces Daniru je učinio produktivnijom i svestranijom i pružio joj priliku da poboljša kvalitet života i samostalno privređuje za sebe i svoju porodicu.

*Moja je poruka svim ženama koje nemaju snagu, volju i ne vide mogućnost da otvore novo poglavlje svog usavršavanja: Ne čekaj motivaciju, počni danas učiti. Kreni malim koracima do velikih ciljeva! Moj primjer pokazuje da je moguće!*



## Nahla mi je vratila vjeru u sebe

Anita Čaušević, 43-godišnja ekonomistica iz Bihaća, majka je dvojice sinova, od kojih je jedan s poteškoćama u razvoju. Kako bi sinu što više pomogla u napretku, proteklih sedamnaest godina nije imala mogućnosti za vlastiti razvoj i ostvarenje životnih planova. Nakon što je upisala i završila Nahlinu obuku za Community menadžericu otvorio joj se niz prilika i shvatila je da njen put napretka nije završen, kako je ranije mislila. Nakon završene prakse u jednom kozmetičkom salonu, dobila je priliku za privremeni rad od kuće. Ova prilika pokazala joj je da, bez obzira na životnu situaciju, svako od nas može biti društveno koristan i živjeti ispunjeniji život.

*Obuka za Community menadžericu donijela mi je više od certifikata! Donijela mi je dodatnu vjeru u sebe. Vjeru u život. Kao mama koja je zbog potreba svog djeteta ostala s njim i odrekla se svega onog što jedan tipičan životni ciklus donosi dobila sam čvrsti stub vjere u sebe, kako bih zaštitila svoje dijete i svoju porodicu! Takvu podršku pamtiću cijelog života!*



## Kreativni iskoraci

Prateći povećan interes polaznica za pohađanje kreativnih kurseva i usvajanje praktičnih vještina koje im mogu pomoći za prevazilaženje teškoća izazvanih pandemijom, fokusirali smo se na unapređenje kvaliteta i diverzifikaciju ponude programa u ovoj oblasti. Poseban interes polaznice su pokazale za kurseve šivenja, kako bi stekle certifikat pomoću kojeg mogu otvoriti vlastiti obrt. Kako bismo dodatno poboljšali kvalitet ponude kurseva iz ove oblasti razvili smo i prvi put ponudili Kurs modeliranja odjeće, koji je polaznicama koje žele pokrenuti biznis u oblasti tekstilne industrije izuzetno koristan. Uveden je i poseban kurs šivenja za tinejdžerke, s prilagođenim programom rada za ovu ciljnu grupu.

Kroz nove saradnje i partnerstva napravili smo iskorake ka marginaliziranim kategorijama žena i organizirali besplatne kurseve šivenja za samohrane majke, grupe Romkinja te socijalno ugrožene žene koje su na ovaj način stekle dragocjene nove vještine.




NAZIV AKTIVNOSTI	BROJ KORISNICA/KA	TRAJANJE
KURSEVI ŠIVENJA	766	120 časova
OBUKA ZA MODELIRANJE ODJEĆE	9	40 časova
CERTIFICIRANJE – ŠIVENJE	3	6 h
KURS FOTOGRAFIJE	13	16 časova

RADIONICA: PATCHWORK	7	13 časova
RADIONICA: DECOUPAGE	17	3 časa
RADIONICA: SLIKANJE NA STAKLU	12	3 časa
RADIONICA: SLIKANJE NA ALU FOLIJI	12	3 časa
RADIONICA: PRAVLJENJE PRIRODNIH SAPUNA	35	3 časa
RADIONICA: IZRADA PRIRODNOG BALZAMA	6	3 časa
RADIONICA IZRADA NAKITA	8	6 časova
RADIONICA PLETENJA	15	10 časova

Ponuda kreativnih kurseva obogaćena je **unaprijeđenim kursom fotografije** kroz kombinaciju učioničkog i terenskog rada te brojnim kreativnim radionicama kao što su: patchwork, decoupage, slikanje na staklu, slikanje na alu foliji, izrada prirodnih sapuna, izrada nakita, pletenje i dr.



## We've gone digital!

Pandemija je višestruko povećala naše potrebe za korištenjem digitalnih tehnologija i različitih vrsta usluga koje možemo dobiti tim putem. Iskoristivši znanja i vještine koje posjeduje naš tim uposlenica, predavača/ica i saradnika/ca kao komparativnu prednost nastavili smo ulagati značajan trud u digitalizaciju postojeće ponude edukacija, ali i razvijati nove online programe fokusirane isključivo na osobe koje zbog udaljenosti, bolesti ili drugih



prepreka nisu u mogućnosti fizički doći u neki od naših centara. U ovoj godini je zabilježen izuzetno veliki rast u realizaciji online edukacijskih programa, realizirano ih je ukupno 46, dok je u prethodnoj godini u online formi realizirano 14 programa.

U cilju edukacije i osnaživanja šire populacije u različitim oblastima (IT i organizacijske vještine, poslovna edukacija, fizičko i mentalno zdravlje, freelancing, poduzetništvo i dr.) tokom



cijele godine smo organizirali besplatne webinare, otvorene za sve dobne grupe. U periodu od augusta 2020. do augusta 2021. realizovana su 32 takva webinaru koje je u samom terminu održavanja pratilo preko 1700 osoba, a ukupan reach dosegao je preko 200.000 osoba.

NAZIV AKTIVNOSTI	BROJ KORISNICA/KA	TRAJANJE
WEBINAR: AGILE I SCRUM	40	3 časa
WEBINAR: COME TO THE UI/UX SIDE!	30	3 časa
WEBINAR: (R)EVOLUCIJA POSLOVNOG TRŽIŠTA – DIGITALNE VJEŠTINE I FREELANCING	50	3 časa
WEBINAR: CATCH THE BUG	25	3 časa
WEBINAR: REGRUTIRAJTE SAVRŠENO -KORIŠTENJE ONLINE ALATA ZA ANGAŽIRANJE STALNIH I HONORARNIH SARADNIKA	52	3 časa
WEBINAR: PRETVORI IDEJU U PROJEKAT - KORIŠTENJE APLIKACIJE FIGMA ZA UI/UX DIZAJN	116	3 časa
WEBINAR: NASTAJANJE BRENDA - LEKCIJE IZ JEDNOG BIZNISA	200	3 časa
WEBINAR: BIZNIS PLAN - NEŠTO BEZ ČEGA DAL JE NE SMIJEMO	40	3 časa
WEBINAR: CANVAS BUSINESS MODEL	49	3 časa
WEBINAR: ZAŠTO FREELANCATI U BIH? A ZAŠTO NE!	53	3 časa
WEBINAR: MISTERIJA RADA S FREELANCERIMA: RAZJAŠNJENO - MODALITETI RADA KOMPANIJA S HONORARNO ANGAŽIRANIM OSOBAMA	56	3 časa
WEBINAR: POSLJEDICE COVID19 PO SME	30	3 časa
WEBINAR: RAZGOVOR S PSIHOLGINJOM - ONO ŠTO STE ŽELJELI ZNATI, A NISTE SE USUDILI PITATI	99	2 časa
WEBINAR: KAKO PREVENIRATI ANKSIOZNOST?	214	2 časa
WEBINAR: ZAŠTO ŠUTNJA NIJE ZLATO?	13	2 časa
WEBINAR: KAKO SE ZAUZETI ZA SEBE? - SNAGA ASERTIVNOSTI	120	2 časa

WEBINAR: KAKO PREVENIRATI DEPRESIJU?	85	2 časa
WEBINAR: KAKO PREVENIRATI RESPIRATORNA OBOLJENJA?	67	2 časa
WEBINAR: KAKO PREVENIRATI NAJČEŠĆA OBOLJENJA ENDOKRINOG SISTEMA?	155	2 časa
WEBINAR: PREVENCIJA NAJČEŠĆIH OBOLJENJA KARDIOVASKULARNOG SISTEMA	68	2 časa
WEBINAR: BEBINI PRVI DANI U KUĆI	14	3 časa
WEBINAR: VAŽNOST ZDRAVIH I FUNKCIONALNIH NAVIKA KOD OČUVANJA MENTALNOG ZDRAVLJA	10	2 časa
WEBINAR: MOJA PODUZETNIČKA PRIČA	35	3 časa
WEBINAR: USPJEŠNE AKTIVISTICE – ALUMNE TIGNUMA	41	3 časa
WEBINAR: SUPTILNA MOĆ NENASILNOG AKTIVIZMA (INICIJATIVA PRVI)	18	3 časa
WEBINAR: GENOCID U SREBRENICI U KONTEKSTU RASTUĆE ISLAMOFBIJE DANAS (INICIJATIVA PRVI)	19	3 časa
WEBINAR: SVI U NAUKU, NAUKA ZA SVE!	37	3 časa
WEBINAR: ISTINITOST INFORMACIJA NA INTERNETU	18	3 časa
ONLINE EVENT: Oblikovanje sistema obrazovanja odraslih prema kompetencijama budućnosti!	25	2 h
ONLINE EVENT: Osnaživanje žena: kome to treba?	51	2 h
ONLINE EVENT: Nahla i mladi: inspiracija na kub!	56	2 h
ONLINE EVENT: Rad u obrazovanju odraslih – pretvaranje izazova u šanse	38	2 h





## Vjera i duhovnost

Nahlini programi iz oblasti vjere i duhovnosti imali su vrlo značajnu ulogu u suočavanju s izazovima pandemije i tokom protekle godine u velikoj mjeri su doprinijeli duhovnom osnaživanju koje je bilo istinski potrebno svakom pojedincu. Digitalizacijom nastave i omogućavanjem uključivanja u Nahline programe osobama koje nemaju priliku biti u blizini vjere, vjerskih objekata i džemata Nahla je postala izvor duhovne snage za cijele porodice i svoj utjecaj proširila daleko izvan gradova u



## ISKORACI U OBLASTI VJERSKE EDUKACIJE

Uspješan prelazak na online realizaciju većeg dijela programa

Potpisivanje Memoranduma o saradnji s Islamskom zajednicom u BiH

Nova web platforma Beeinspired.ba počela s radom u ramazanu (april/maj 2021) - promo aktivnosti i intenzivna priprema sadržaja.



kojima realizira svoje aktivnosti, pa i izvan Bosne i Hercegovine.

Kroz različite programe vjerske edukacije, online i u učionicama, educirano je i duhovno osnaženo 1237 osoba. Na programima iz ove oblasti susretale su se žene različitih karaktera, godina, obrazovanja, uvažavajući se međusobno, ali i pomažući jedne drugima u savladavanju gradiva i motivaciji za redovno pohađanje nastave.



NAZIV AKTIVNOSTI	BROJ KORISNICA/KA	TRAJANJE
ŠKOLA ISLAMA	105	270 časova
ŠKOLA KUR'ANA	716	3 ciklusa, 165 časova/ ciklus
JEZIČKI TEFSIR SURE MERJEM	15	88 časova
TRAGOM KUR'ANSKE INSPIRACIJE – TUMAČENJE ODABRANIH KUR'ANSKIH SURA	100	44 časa
CIKLUS SEMINARA: UVOD U ISLAMSKO BANKARSTVO U TEORIJI I PRAKSI	35	6 časova
TEMATSKI MODUL: DOBRA VLADAVINA IZ ISLAMSKE PERSPEKTIVE	50	11 časova
TEMATSKI MODUL: ISHRANA KROZ KUR'AN I HADIS	50	16 časova
TEMATSKI MODUL: ČOVJEK I KUR'AN IZ PERSPEKTIVE SAVREMENOSTI	35	48 časova
MOJE DUHOVNO PUTOVANJE – ciklus seminara za početnike	25	15 časova
SEMINAR: MOJ NAMAZ seminar o praktičnom obavljanju namaza	31	5 časova
POZITIVNA ZAJEDNICA – obuka iz oblasti komunikacijskih i organizacijskih vještina za članove džematskih odbora	10	67 časova
CIKLUS SEMINARA: BRAK I PORODICA U ISLAMU	65	12 časova





## Podrška

Tokom 2020-2021 godine, pored konstantnog podizanja kvaliteta svojih edukativnih programa, Nahla je zadržala fokus na pružanju podrške ženama u oblasti očuvanja mentalnog zdravlja, razvoja karijere i uspješnog djelovanja u poslovnom svijetu. Nahlino psihološko i porodično savjetovište bilo je posvećeno rješavanju psiholoških problema kroz primjenu efikasnog psihološkog savjetovanja s dugoročnim efektima, a kroz Nahlinu poslovnu zajednicu pružali smo podršku ženama da definiraju vlastite sposobnosti i karijerne ciljeve kroz karijerno savjetovanje i da razvijaju i unapređuju biznise kroz mentorsku podršku. Web platforma Beecreative.ba nastavila je uspješno povezivati poslodavce i freelancere.



## FOKUS DJELOVANJA U OBLASTI PODRSKE ŽENAMA

Podrška ženama u očuvanju mentalnog zdravlja kroz Psihološko savjetovište

Podrška u razvoju karijere kroz karijerno savjetovanje

Podrška za uspješno djelovanje u poslovnom svijetu kroz mentorske programe.

NAZIV AKTIVNOSTI	BROJ KORISNICA/KA	TRAJANJE
PSIHOLOŠKO SAVJETOVALIŠTE (INDIVIDUALNE TERAPIJE)	1152	60 min po tretmanu
PSIHOLOŠKO SAVJETOVALIŠTE (USLUGE LOGOPEDA)	428	60 min po tretmanu
PRIČAJ O... psihoterapijska grupa	10	60 min po osobi
KARIJERNO I POSLOVNO SAVJETOVANJE	75	150 h




Promociju alternativnih načina zapošljavanja i samozapošljavanja nastavili smo kroz **Bee-creative.ba** - prvu bh. platformu za spajanje **freelancera i poslodavaca**, koja je ponudila digitalizaciju ovog procesa i omogućila poslodavcima koji nemaju potrebu za dugoročnim upošljavanjem osoba iz kreativne industrije da na jednostavan način u okviru budžeta koji mogu ponuditi pronađu adekvatna rješenja, a početnicima omogućila da dođu do prvih klijenata. Broj registrovanih korisnika/ca platforme dostigao je 1750.



**Nahlina agencija za social media marketing - BeeSocial** u protekloj radnoj godini živjela je svojom misijom: pored pružanja usluge vođenja društvenih mreža za 10 lokalnih poduzeća, agencija je prerasla u inkubator koji je pružio priliku 5 mladim volonterki da uče vještine social media marketinga. Mnogo vremena posvećeno je edukacijama, mentorisanju i volonterskim aktivnostima. Shvatili smo da je istinska snaga BeeSocial priče u inspiraciji, motivaciji i edukaciji. I dalje imamo klijente, ali smo više posvećeni pružanju prilike mladima da iskustveno uče.

## Podrška u oblasti zaštite mentalnog zdravlja

Očuvanje mentalnog zdravlja i integriteta ljudske ličnosti veliki je izazov za svakog pojedinca i društvo u vrijeme ekstremnih društvenih poremećaja kao što je pandemija. Stoga smo usluge online savjetovanja i psihoterapije, koje smo prvi put ponudili na početku pandemije, uvrstili u redovnu ponudu naših usluga i na taj način ih učinili dostupnim našim ljudima koji žive van BiH i kojima jako znači da mogu dobiti ove usluge na svom maternjem jeziku. Uvedena je i mogućnost besplatnog savjetovanja i psihoterapije za osobe koje su žrtve seksualnog uznemiravanja i zlostavljanja, što je naš doprinos i podrška svim žrtvama i naš glas protiv ovakvih pojava. Posebno je intenziviran rad psihološkog savjetovališta u Tuzli, kao odgovor na sve veći broj upita za psihološku pomoć zbog posljedica lockdowna. Ukupan broj terapijskih sesija realiziranih u 2020/21 godini u Sarajevu, Bihaću, Tuzli i putem online platformi dostigao je 1590.



### U Nahli sam počela voljeti život

Jasna Smajić, 57- godišnja stručna učiteljica muzike iz Bihaća, imala je trnovit životni put - briga oko porodice i mnogo žrtovanja i odricanja donijeli su joj zdravstvene izazove s kojima se sama nije uspjela nositi. Oboljela je i morala je ponovo učiti da živi, hoda i diše. Izolirana, bez mogućnosti da hoda, život joj se svodio na kuću i bolnicu. Nakon smrti majke, a onda i još pet smrtnih slučajeva u porodici potpuno gubi volju za životom. Na kliniku u kojoj se liječila dolazi doktorica porodične medicine koja je podstiče da se uključi u aktivnosti u Nahli i promijeni način života, ishranu i navike. Uz individualni pristup i preporuke Nahlinih trenerica za tri mjeseca je izgubila 10 kg i nastavila raditi na svom fizičkom i duhovnom oporavku.

*U Nahli sam ponovo počela živjeti, disati, osjećati. Preporodila sam se. Nakon godina i godina neživota sada se izdižem iznad svega jer znam da ja to mogu. Ja sam sebi bitna. Ja sebe volim.*



## Podrška u oblasti poduzetništva i razvoja karijere

Poduzetništvo je putovanje koje počinje jednim hrabrim korakom, odlukom da ideju na papiru pretvaramo u stvarnost i izvor prihoda. Na tom putu su brojni izazovi te je potreba za edukacijom, podrškom iskusnijih poduzetnica i umrežavanjem s poduzetnicama koje su u sličnim izazovima ključna za savladavanje prepreka i razvoj. Nahlina poslovna zajednica je i tokom prethodne godine nastojala pružiti jedan potpuni set usluga koji je potreban poduzetnicama da pretvore ono što je samo početna ideja u uspješan biznis. Organizirali smo programe mentorske podrške koji pomažu u razvoju ideja i registraciji biznisa, a vlasnice malih biznisa osnaživali i umrežavali s freelancerima u cilju unapređenja brendinga. Time smo osiguravali jedan potpuni krug usluga koje se baziraju na našem dugogodišnjem iskustvu, kvalitetu rada, jakoj mreži i povjerenju.

Svjesni da će posljedice pandemije biti mnogo dalekosežnije nego što se činilo u početku, nastavili smo da educiramo i mentorimo poduzetnice iz cijele Bosne i Hercegovine i da se fokusirano bavimo temama prodaje i brendinga, jer su upravo to segmenti koji mogu u

NAZIV AKTIVNOSTI	BROJ KORISNICA/KA	TRAJANJE
MENTORING ZA RAST – promocija biznisa kroz priče	15	15 h
MENTI – mentoring i edukacija za nove tržišne inovatorice	16	80 časova + 75 h mentoringa
KURSEVI ENGLESKOG JEZIKA (osnovni i napredni)	135	44 časa X 13 grupa
KURSEVI ENGLESKOG JEZIKA (konverzacijski)	66	32 časa X 6 grupa
CERTIFICIRANJE - ENGLESKI JEZIK	60	60 h
KURSEVI NJEMAČKOG JEZIKA (osnovni i napredni)	82	44 časa X 7 grupa
KURSEVI NJEMAČKOG JEZIKA (konverzacijski)	13	32 časa X 1 grupa
KURSEVI TURSKOG JEZIKA	55	44 časa X 6 grupa
KURSEVI BOSANSKOG JEZIKA ZA STRANCE	5	22 časa X 1 grupa

najdirektnijem smislu pomoći unapređenju njihovih biznisa i dolasku do kupaca. Realizirano je ukupno 150 sati karijernog savjetovanja za 75 žena.

Iskoristili smo svoje kapacitete umreženosti sa stručnjacima/kinjama iz oblasti marketinga, prodaje i poduzetništva kako bismo zajedno unaprijedili rezultate 16 malih biznisa u cijeloj BiH kroz projekat "MENTI – Mentorstvo i edukacija za nove tržišne inovatorice". Online platforme su nam omogućile da ovaj put, osim u Sarajevu, podržimo razvoj biznisa i u Kladhju, Jajcu, Lukavcu, Istočnom Sarajevu i Ilijašu. U cilju potpune implementacije stečenih vještina tokom i nakon završetka Nahlinih programa uspostavljena je komunikacija s IT kompanijama koje su polaznicama naših IT obuka omogućile mentorsku podršku, praksu ili pak zaposlenje. Na taj način nastojali smo zaokružiti proces osnaživanja i pripreme za tržište rada do tada nezaposlenih osoba s nedostatkom potrebnih vještina, a koje su zahvaljujući našem cjelovitom pristupu danas osnažene za samostalan rad i/ili pronalazak prilika.

### Hanummah fashion design – etika i estetika u službi osnaživanja žene

Amra Đugum stjecanjem fakultetske diplome Poljoprivrednog fakulteta nije imala priliku raditi u prehrambenoj industriji te se zapošljava kao administrativna radnica. Nakon što je odlučila početi nositi hidžab, sklapanje vlastitog modnog identiteta postaje njena preokupacija. Amra 2019. godine upisuje Akademiju ženskog poduzetništva u Nahli, kroz koju stječe znanje i vještine iz oblasti pravnog aspekta poslovanja, finansija, menadžmenta i organizacije, marketinga, prodaje i komunikacijskih vještina. Akademiju završava početkom 2020. godine i uprkos strahu i nezvjesnosti na početku COVID pandemije odlučuje registrovati svoj obrt u oblasti modnog dizajna. Dodatna znanja i mentorsku podršku dobila je kroz Nahlin četveromjesečni program "MENTI – mentorstvo i edukacija za nove tržišne inovatorice" koji je pohađala od maja do septembra 2021.



*Kao vlasnica sada već uspješnog malog biznisa Amra ističe: "Hanummah napreduje iz mjeseca u mjesec, postepeno se širimo i cilj nam je da postanemo prepoznatljivi na tržištu. Pandemija jeste utjecala na nas, navela nas je da svu prodaju preusmjerimo na online kanale i ne planiramo u skorijoj budućnosti mijenjati način poslovanja."*

## ZemkaArt - umjetnost kao izraz višeslojnih dimenzija života

Profesorica, novinarka, vojno lice, zaljubljenica u umjetnost, Zemka Seferagić odlučila je u penziji ovoj bogatoj i šarolikoj plejadi svojih "uloga" dodati još jednu – poduzetnica. Ova polaznica Nahlinog programa "MENTI – mentorstvo i edukacija za nove tržišne inovatorice rođena je u Cazinu prije nešto više od pola vijeka. Nakon završenog Filozofskog fakulteta u Sarajevu zapošljava se u srednjoj školi u Cazinu kao profesorica srpskohrvatskog jezika. Srcem i

po vokaciji zaljubljenica u umjetnost, svoje sposobnosti je, u ratnom vihoru, koristila pišući članke i vodeći radio emisije.

Živjela je kao vojno lice u četiri bosanska grada, a penziju je dočekala u Sarajevu u činu majora. Za sebe će reći da je "kosmopolita, filantrop i sanjar" te su je i te duhovne kvalitete "pripremile" za, novi iskorak, slikanje na drvetu.

Nakon penzionisanja, zahvaljujući kolegici, upoznala se s dekupaž tehnikom. Iako nepoznanica za nju, jedinstvenost oslikanih predmeta ju je navela da završi nekoliko kurseva, od osnova dekupaža, slikanja detalja na drvetu, reljefa na foliji (tzv. bakro-

rez), slikanja na platnu, slikanja na svili i filcanja vune. U međuvremenu je registrovala i svoj obrt kao Zemka Art.

Mladim poduzetnicama Zemka iz svog bogatog životnog iskustva poručuje: *Uspjeh neće doći odmah. Trebate znati da se treba potruditi na svim poljima. I učiti, stalno i konstantno učiti, unapređivati se.*





## Osnaživanje mladih

U Nahli iskreno vjerujemo u mogućnosti i potencijale mladih, stoga im nastavljamo pružati pregršt prilika za učenje, usavršavanje i djelovanje. I sama Nahla ideja je i san mladih žena koje su prije 20-ak godina sanjale bolji svijet i više prilika za mlade, a danas smo tu da pružamo podršku i osnažujemo nove generacije inovatorica i nositeljica progresa. Nahla je u radu s mladima posebno fokusirana na njihovo osposobljavanje i poticanje



## FOKUS U RADU S MLADIMA

Lični razvoj i cjeloživotno učenje

Osposobljavanje i poticanje na društveni aktivizam

Edukacija i motivacija za razvoj poduzetničkih ideja

Aktivna uloga u promociji ljudskih prava

Edukacija i motivacija za aktivnije učešće u političkom životu zasnovano na vrijednostima





na društveni aktivizam, cjeloživotno učenje, aktivnu ulogu u promociji ljudskih prava i borbi protiv svih oblika diskriminacije i govora mržnje te aktivnije učešće u politici zasnovano na vrijednostima.

U okruženju smo nastavili prepoznavati mlade žene koje svojim radom i aktivizmom žele društvo mijenjati nabolje, te im kroz posebno osmišljene programe pružati podršku, unapređivati njihove lične i profesionalne kapacitete, učiti ih kako aktivno djelovati u društvu, kako koristiti različite aktivističke alate, istraživati probleme zajednice, nuditi im prilike da učestvuju u lokalnim i međunarodnim projektima, inicijativama i kampanjama, kao i prilike za volontiranje, usavršavanje i ostvarivanje stipendija. U prethodnoj godini kroz različite vrste programa za mlade educirano je i osnaženo 346 mladih osoba.





Pored realizacije redovnih aktivnosti Nahlinog teen kluba i kluba mladih Tignum, te različitih obuka za mlade aktiviste/ice, posebnim iskorakom smatramo jačanje poduzetničkih kompetencija mladih djevojaka kroz projekt "Kad porastem bit ću poduzetnica". Kroz ovaj projekt nastojali smo u fokus staviti mlade u poduzetništvu, ohrabriti ih da se bave poduzetništvom te ga promovisati kao alternativu zapošljavanju bez obzira na to čime se bave. Razvili smo i implementirali program edukacije „Pretvori plan u ideju“ za 15 mladih djevojaka iz oblasti poduzetničkih vještina i kompetencija kroz koji su one po prvi put imale priliku vizualizirati svoje poslovne ideje. Dodatno, posebno osmišljenom online kampanjom, kroz pripremu članaka, uspješnih priča, infografika i drugih sadržaja nastojali smo potaknuti mlade žene u dobi od 17 do 25 godina da se aktivno uključe u programe poduzetničkih obuka i doprinijeti razvoju podržavajućeg okruženja za mlade žene koje se žele baviti poduzetništvom kroz razumijevanje poduzetništva i prilika koje poduzetništvo i okruženje nudi.

NAZIV AKTIVNOSTI	BROJ KORISNICA/KA	TRAJANJE
NAHLIN TEEN KLUB	59	28 časova
NAHLIN TEEN KLUB (NAPREDNI MODUL)	15	24 časa
NAHLIN KLUB MLADIH "TIGNUM"	84	96 časova
KAD PORASTEM BIT ĆU PODUZETNICA (edukacija „Pretvori plan u ideju“)	13	34 časa
OBUKA ZA DRUŠTVENO ANGAŽIRANO DJELOVANJE (modul 2)	10	36 časova
PROJEKAT STIPENDIRANJA	28	–
EDUKACIJA ZA MLADE AKTIVISTE/ICE ZA LJUDSKA PRAVA	21	32 časa
KLIKTIVIZAM ČINI PROMJENU – EDUKACIJA ZA MLADE AKTIVISTE/ICE	20	48 časova
WE USK – RADIONICE ZA MLADE	20	23 časa
RADIONICA ZA STUDENTE: NE ODLAŽI VEĆ ISPITE POLAŽI!	18	4 časa
SEMINAR ZA MLADE: JAVNI GOVOR I KOMUNIKACIJSKE VJEŠTINE	13	3 časa
NAUČNO-ISTRAŽIVAČKI PROGRAM: KAD PORASTEM BIĆU NOBELOVKA	11	20 časova

## Inicijativa Prvi – Nahlini aktivisti/ce za slobodu vjere i uvjerenja

Inicijativu PRVI čine aktivisti i aktivistice u oblasti ljudskih prava s fokusom na slobodu vjere i uvjerenja. Ova mreža trenutno okuplja preko 80 mladih muškaraca i žena koji su prošli različite edukacije i koji su odlučni da rade na provedbi misije ove Inicijative - ukazati na probleme ograničavanja i zabrane vjerskih sloboda te razviti i povećati svijest o diskriminaciji na osnovu vjere i zločinima iz mržnje počinjenim s predrasudama na vjerskoj osnovi s posebnim fokusom na rastuću pojavu islamofobije.

Inicijativa educira i osnažuje mlade da aktivno rade na unapređenju stanja vjerskih prava i sloboda, kroz prikupljanje podataka s terena, izvještavanje i blagovremeno reagiranje, poučavanje i umrežavanje te ih ohrabruje da u svakom momentu budu spremni stati u zaštitu ljudskih prava, a prvenstveno prava na slobodu vjere i uvjerenja kao jednog od osnovnih ljudskih prava.



Kreiranje i dostavljanje izvještaja „Hate Crime Report“ OSCE ODHIR-u za 2020. godinu

Jedinstveni izvještaj za sve zemlje OSCE-a, a objavljuje se jedanput godišnje i služi kao glavna baza podataka o ovoj vrsti zločina i govora mržnje što je osnova za dalje pravljenje politika međunarodne zajednice.

- o Webinar „Suptilna moć nenasilnog aktivizma“ povodom Međunarodnog dana nenasilja.
- o Webinar „Genocid u Srebrenici u kontekstu rastuće islamofobije danas“ povodom obilježavanja godišnjice genocida u Srebrenici.
- o Objavljen set edukativnih postova na društvenim mrežama na aktuelne teme
- o Urađena studija o islamofobiji od definicije do formi i načina za borbu protiv tih pojava – priprema štampe ovog priručnika je u toku.

Podizanje svijesti i rad na edukaciji i informiranosti javnosti o važnim temama iz oblasti vjerskih prava i sloboda

Intenzivirano učešće u aktivnostima regionalnih i međunarodnih organizacija, povećana vidljivosti Inicijative kod relevantnih stakeholdera

- o Učešće na webinaru “Towards Positive Peace: Countering Hate Speech” (Youth for Peace).
- o Učešće na konferenciji “Napadi na demokratiju i ljudska prava: izvršni lideri u podršci društvima zapadnog Balkana suočavaju se sa dezinformacijama, govorom mržnje i hibridnim napadima” (CIVIL i The Balkan Forum).
- o Učešće u ljetnoj školi “Religijska tolerancija” u Albaniji (uz još 36 učesnika iz zemalja Zapadnog Balkana).
- o Učešće u online panel diskusiji „Debating Perspectives 2030 Roadshow“ (OSCE i FES).

Aktivisti i aktivistice inicijative PRVI su tokom godine aktivno pratili medije te su reagirali na slučajeve govora mržnje koji su se dešavali u Bosni i Hercegovini, ali i isticali primjere dobre prakse.

Praćenje medija i reagiranje na slučajeve govora mržnje u bh. društvu

## Pregled online kampanja koje su realizirale članice Nahlinog kluba mladih

### S naukom raSTEM – Međunarodni dan žena i djevojaka u nauci

Cilj: ohrabriti i promovirati učešće žena i djevojaka u naučnom istraživanju. Aktivnosti: 1. Priprema mini vodiča s izborom zanimljivih eksperimenata i zadataka iz nekoliko STEM disciplina, s namjerom pružanja podrške roditeljima i prosvjetnim radnicima u osmišljavanju aktivnosti iz oblasti biologije, hemije i fizike. 2. Promocija priča mladih studentica STEM oblasti i njihova motivaciju za bavljenje ovim područjem.

### Vrijeme je za robotiku

Kampanja u okviru Evropske sedmice robotike čiji je domaćin 2020. godine bila Bosna i Hercegovina. Aktivnosti: 1. objave na društvenim mrežama o zanimljivim stranama robotike 2. Intervjui s predstavnicima bh. kompanija koje robote koriste u vlastitom procesu rada.

### Trik za siguran klik

Cilj: Podići svijest mladih o sigurnosti na internetu i pružiti informacije o pravilnom korištenju i zaštiti podataka. Realizovane aktivnosti: infografika o zaštiti podataka na internetu, podcast na temu kritičke procjene online sadržaja, FB live na temu medijske pismenosti s fokusom na online medije, Instagram edukativni kviz i nagradno takmičenje za mlade u kreiranju edukativnih postera na temu "Moja sigurnost na internetu".

### Kad porastem bit ću poduzetnica

Cilj: Promocija poduzetništva mladih kao jedne od glavnih mjera za smanjenje nezaposlenosti mladih. Aktivnosti: 1. Objave o poduzetništvu na teme: Imam ideju-šta sad, Važnost umrežavanja, Kako podržati mali biznis; 2. Razgovori s uspješnim poduzetnicama kroz FB live: Moja poduzetnica, promocija primjera dobre prakse mladih žena u poduzetništvu iz BiH.

### **Pink intervencija – pregled je prevencija**

Cilj: Doprinijeti podizanju svijesti o važnosti prevencije karcinoma dojke. Aktivnosti: Učešće u trci Race for The Cure, podjela ružičastih trakica uposlenicama Nahle, edukativni online kviz, podkast na temu s dr. Suadom Tinjić, kreirani informativno-motivirajući posteri u online i print verziji, realizirana kampanja #PinkWeek – objava simboličnih fotografija na društvenim mrežama.

### **Prevencija karcinoma grlića maternice**

Cilj: Doprinijeti podizanju svijesti o važnosti ranog otkrivanja i prevencije karcinoma grlića maternice. Aktivnosti: Online predavanje za mlade održala jedna od članica Tignuma, studentica završne godine Medicinskog fakulteta. Učesnice kreirale set edukativnih postera kojim su stečena znanja o temu prenijele širem krugu vršnjakinja i time doprinijele podizanju svijesti.

### **Dnevnik naših priča**

Kampanja "Dnevnik naših priča" kroz niz kratkih video objava i FB live razgovore predstavila je alumne Tignuma koje su u društvu aktivne na različitim poljima – kako kroz svoja zanimanja, tako i na polju aktivizma, volonterskog rada u društvu i učešća u drugim inicijativama. Kampanja je imala za cilj da proširi svijest o bitnosti društvenog rada i doprinosa te kakve sve rezultate neke od aktivistica koje su bile dio ovog programa uspijevaju ostvariti.

## Pregled mini projekata Nahlinog kluba mladih iz Bihaća

U svrhu praktične primjene znanja i alata s kojima su se upoznale kroz proces edukacije u Nahlinom klubu mladih članice kluba iz Bihaća pripremile su mini projektne aplikacije koje su potpuno samostalno razradile, aplicirale Fondaciji Mozaik i realizirale u lokalnoj zajednici. Kroz ovaj proces upoznale su se s projektnim ciklusom, od ideje do realizacije. Ukupna vrijednost projekata bila je 7.500 KM, a u procesu je učestvovalo 12 djevojaka.



### Pričaj o...

**Cilj projekta:** Potaknuti svijest kod studentica o važnosti mentalnog zdravlja.

**Aktivnosti:** 5 psihoterapijskih radionica za studentice za pobjeđivanje anksioznosti i stresa.

**Rezultati:** Formirana je psihoterapijska grupa od 10 studentica s kojima je realizirano pet psihoterapijskih grupnih seansi.

**Cilj projekta:** Probuditi svijest kod mladih djevojaka o važnosti fizičke aktivnosti kako za tijelo, tako i za um.

**Aktivnosti:** Omogućiti grupi od 15 studentica da u jednom mjesecu pokušaju trenirati i vidjeti kakve benefite će trening donijeti za njih, što bi trebalo rezultirati zdravijim životom.

**Rezultati:** Realizirano 10 treninga i promijenjene navike kod 15 mladih studentica.



Zdravlje  
biram  
- Treniram



## Igre mladih

**Cilj projekta:** Probuditi svijest o važnosti fizičke aktivnosti kod djece.

**Aktivnosti:** Organizirani različiti treninzi za djecu u dobi od 4 do 8 godina.

**Rezultati:** U program učestvovalo 15 mališana. Tri članice kluba mladih volontirale u radu s djecom.

**Cilj projekta:** Izgradnja i jačanje ekološke svijesti i jačanje veza s prirodom u najranijoj razvojnoj dobi

**Aktivnosti:** Uređenje dvorišta i priprema za realizaciju eko aktivnosti s djecom – sadnja povrća, učenje o biljkama.

**Rezultati:** Volonterke kluba mladih uredile dvorište, realizirane eko radionice za 15 djece u dobi od 3 do 8 godina.



## Zelena učionica



## Kurs samoodbrane za djecu

**Cilj projekta:** Upoznati djecu s negativnim situacijama te na koji način ih izbjeći i odbraniti se u tim situacijama.

**Aktivnosti:** Set treninga borilačkih vještina kojima djeca povećavaju fleksibilnost i snagu te vještina za kontroliranje stresa ili straha.

**Rezultati:** Program je pohađalo 15 djece u dobi od 6 do 12 godina.

## Kroz Nahlin klub mladih sam spoznala koliko je u društvu važan svaki pojedinac

Šefka Mulamustafić apsolventica je Pravnog fakulteta Univerziteta u Sarajevu i alumna Nahlinog kluba mladih Tignum u kojem je nastavila djelovati kao aktivistica nakon završetka dvogodišnje edukacije.

Tokom cijelog studija intenzivno je volontirala u brojnim udruženjima i učestvovala u akcijama te pokazala izraženu svijest za društveno djelovanje. Posebno interesovanje iskazala je prema humanitarnom radu i volontiranju u organizacijama koje djeluju na tom polju.

Najaktivnija je u rodnoj Janji, povratničkom mjestu u sjeveroistočnoj Bosni, gdje je u Fondu solidarnosti „Hasna” preuzela ulogu koordinatorice humanitarnih projekata. Nesebičnim volonterskim angažmanom olakšava i uljepšava život najugroženijih porodica koje su zbog pandemije ostale bez sredstava za život.

*Nahlin klub mladih je jako utjecao na moje lično usavršavanje. Kroz radionice o samopouzdanju, liderstvu, našim pravima i obavezama spoznala sam kolika je važnost svakog pojedinca u društvu. Učinio me učinio pronicljivom u smislu da ne budem ishitrena, već da sagledavam momente, situacije iz različitih uglova, da nikad nikoga, pa ni samu sebe ne potcjenjujem niti precjenjujem, da zaključujem na jasnim činjenicama. Posebno sam ponosna na to da sam imala priliku sjediti, pričati i učiti od djevojaka koje su izuzetno vrijedne, marljive i kao takve učinile su da imam pravu motivaciju i ispravne uzore oko sebe.*





## You can't win if you don't begin!

Dženita Đulović je izuzetno uspješna studentica treće godine dodiplomskog studija na Univerzitetu Sarajevo School of Science and Technology (SSST), smjer kompjuterske nauke.

Dolaskom na studij u Sarajevo uključila se u Nahlin klub mladih gdje je dala poseban doprinos u radu na projektu Žene u nauci. Kroz ovaj projekt radila je na pripremi inspirativnih priča o bh. naučnicama i učestvovala u organizaciji događaja koji ohrabruju učešće žena i djevojaka u naučnom istraživanju.

Redovno osvaja nagrade za programiranje mobilnih aplikacija, a nedavno je osvojila i stipendiju BOLD Fellow za ekonomski razvoj i poduzetništvo na Univerzitetu Buffalo u New Yorku.

*Kao djevojci koja je tek došla u novi grad i treba da započne akademski život Nahlin klub mladih je pružio, prije svega, osjećaj pripadnosti i sigurno mjesto. Kao djevojci u STEM-u posebno mi je važno učešće u projektu Žene u nauci jer se nadam da smo time uspjele motivisati mnoge naše buduće naučnice i inženjerke.*



## Schema aktivnosti



### OBRAZOVANJE ODRASLIH

#### KURSEVI STRANIH JEZIKA

- Engleski
- Njemački
- Turski
- Arapski
- Certificiranje poznavanja jezika

#### IT KURSEVI

- Osnove rada na računaru
- MS Excel
- MS PowerPoint
- Database administration
- Web Design
- IT certificiranje

#### ŽIVOTNE VJEŠTINE

- Komunikacijske vještine
- Socijalne i emocionalne vještine
- Roditeljstvo

#### POSLOVNA EDUKACIJA

- Menadžment
- Odnosi s klijentima
- Finansije i računovodstvo
- Upravljanje vremenom i projektima

- Prodajne vještine i marketing
- Socijalni mediji

#### BUKE ZA (SAMO)ZAPOŠLJAVANJE

- Grafička dizajnerica
- Kontrolorka kvaliteta softvera (QA)
- Data Scientist/analitičarka podataka
- Community/social media menadžerica
- UI/UX dizajnerica
- Poslovna sekretarka
- Računovodstvena asistentica
- Krojačica/šnajderica
- Profesionalna dadilja
- Catering majstorica
- Gerontološka domaćica
- Akademija ženskog poduzetništva

#### EDUKACIJA O ZDRAVLJU I ISHRANI

- Tematski seminari o zdravlju žene
- Seminari o trudnoći, porodu i njezi bebe
- Seminari o pravilnoj ishrani
- Webinar i online kampanje

#### KREATIVNE I UMJETNIČKE RADIONICE

- Fotografija
- Šivenje
- Modeliranje odjeće
- Slikanje (svila, staklo, folija)
- Vez

#### EDUKACIJA O VJERI I DUHOVNOSTI

- Škola islama
- Škola Kur'ana
- Tematski moduli
- Seminari i webinar i

#### DIJALOG U ZAJEDNICI

- Međureligijski susreti i seminari
- Izgradnja mira
- Saradnja s vjerskim zajednicama
- Gradnja mostova između različitih društvenih grupa



### DRUŠTVENA ISTRAŽIVANJA

#### ISTRAŽIVAČKI PROJEKTI

- Teorijska i empirijska istraživanja u oblastima:
  - Žena
  - Ženska prava
  - Društveno djelovanje i aktivizam
  - Religija i identitet

#### IZDAVAČKI PROJEKTI

- Istraživanja i studij
- Prijevodi
- Magistarski i doktorski radovi

#### REFERENTNA BIBLIOTEKA

- Reference o ženi
- Stručni časopisi i magazine
- Zbornici radova



### SAVJETOVANJE

#### PSIHOLOŠKO SAVJETOVALIŠTE

- Psihoterapija (individualna i grupna)
- Bračno savjetovanje

#### POSLOVNO SAVJETOVANJE

- Pasoš kompetencija
- Karijerno savjetovanje

#### LOGOPEDSKO SAVJETOVANJE



### POSLOVNA PODRŠKA

#### MENTORSKA PODRŠKA

- Mentoring program za žene
- Vođenje, motivacija, coaching

#### ZAJEDNICA I UMREŽAVANJE

- Nahlina poslovna zajednica
- Konferencije i sajmovi

#### POSREDOVANJE U ZAPOŠLJAVANJU

- Povezivanje s potencijalnim poslodavcima
- Prakse i volonterski angažmani
- Zapošljavanje u stalni radni odnos



### OSNAŽIVANJE MLADIH

#### TEEN KLUB

- Za djevojke u dobi 14-18
- Iskustvene radionice
- Učenje novih vještina
- Suočavanje s izazovima tinejdžerskog doba

#### KLUB MLADIH „TIGNUM“

- Platforma za aktivizam mladih
- Za društveno aktivne djevojke u dobi 18-30 g.
- Nahline stipendije za najbolje polaznice
- Početna i napredna grupa

#### EDUKACIJA MLADIH AKTIVISTA/ICA

- Posebni trening programi
- Osnaživanje studenata/ica društvenih nauka u oblasti ljudskih prava
- Radionice i praktičan rad

#### USLUGE

- BIBLIOTEKA I ČITAONICA
- IGRAONICA ZA DJECU
- KAFETERIJA
- FITNESS CENTER



## NAHLA ONLINE

### WEB platforme:

- nahla.ba
- bihac.nahla.ba
- tuzla.nahla.ba
- beecreative.ba – prva bh. platforma za povezivanje freelancera i poslodavaca
- beeinspired.ba – platforma za duhovnu snagu i inspiraciju

### Nahla na Facebooku

- Oficijelni FB page centra u Sarajevu: CEI NAHLA (@CEINahlaSarajevo)
- Oficijelni FB page centra u Bihaću NAHLA-Bihac (@nahlabihac)

- Oficijelni FB page centra u Tuzli: Edukacijski centar NAHLA Tuzla (@NahlaTuzla)
- FB page Nahline poslovne zajednice (@NahlinaPoslovnaZajednica)
- FB page Nahlinog Kluba mladih Tignum (@KlubTignum)
- FB page platforme Bee Creative (@beecreative.ba)
- FB page platforme Bee Inspired (beeinspired.ba)
- FB page Agencije za marketing Bee Social

### Nahla na Instagramu

- Oficijelni profil cei.nahla.Sarajevo
- Oficijelni profil nahlabihac
- Oficijelni profil nahlatuzla

